



BOSNA I HERCEGOVINA
FEDERACIJA BOSNE I HERCEGOVINE
FEDERALNO MINISTARSTVO
OBRAZOVANJA I NAUKE

BOSNIA AND HERZEGOVINA
FEDERATION OF BOSNIA AND HERZEGOVINA
FEDERAL MINISTRY OF
EDUCATION AND SCIENCE

БОСНА И ХЕРЦЕГОВИНА
ФЕДЕРАЦИЈА БОСНЕ И ХЕРЦЕГОВИНЕ
ФЕДЕРАЛНО МИНИСТАРСТВО
ОБРАЗОВАЊА И НАУКЕ

Datum objave: 8. 6. 2007. godine

Na osnovu Odluke o usvajanju Programa utroška sredstava s kriterijima raspodjele sredstava tekućih transfera Federalnog ministarstva obrazovanja i nauke utvrđenih Budžetom Federacije Bosne i Hercegovine za 2007. godinu («Službene novine Federacije BiH» broj 35/07) i Odluke o raspisivanju javnog poziva federalne ministrice obrazovanja i nauke broj 05-39-2692/07 od 1. 6. 2007. godine, Federalno ministarstvo obrazovanja i nauke raspisuje

JAVNI POZIV

1. ZA SUFINANSIRANJE ŠKOLARINE NA POSTDIPLOMSKOM I DOKTORSKOM STUDIJU

- a) Javni poziv se raspisuje za dodjelu jednokratne novčane pomoći za sufinansiranje školarine na postdiplomskom i doktorskom studiju u iznosu do visine školarine za jedan semestar, a ne više od 1.500,00 KM.
- b) Pravo prijave na Javni poziv imaju kandidati/kandidatkinje, državljani/državljanke Bosne i Hercegovine sa prebivalištem na području Federacije BiH, koji dostave sljedeću dokumentaciju:
 - prijavni obrazac za dodjelu jednokratne novčane pomoći za sufinansiranje školarine na postdiplomskom ili doktorskom studiju (može se preuzeti na web stranici www.fmon.gov.ba, Protokolu Ministarstva u Mostaru, Ul. Stjepana Radića br. 33 ili u Uredu Ministarstva u Sarajevu, Obala Maka Dizdara br. 2);
 - kratku biografiju kandidata/kandidatkinje sa podacima o socijalnom i porodičnom statusu;
 - potvrdu visokoškolske ustanove o upisu na postdiplomski ili doktorski studij;
 - potvrdu visokoškolske ustanove o prosjeku ocjena na dodiplomskom studiju;
 - potvrdu visokoškolske ustanove o visini školarine po semestru na postdiplomskom ili doktorskom studiju;
 - kopiju CIPS-ove lične karte;
 - izjavu kandidata/kandidatkinje potpisanu i ovjerenu od strane nadležnog organa da kandidat/kandidatkinja ličnim sredstvima finansira troškove školarine.

Zahtjevi kandidata koji imaju prosjek ocjena manji od 8.5 odnosno 3.7 neće se razmatrati. Sredstva za ove namjene uplatit će se direktno na račun visokoškolske ustanove na kojoj je kandidat upisao postdiplomski ili doktorski studij, odnosno na lični račun kandidata ukoliko se visokoškolska ustanova nalazi van zemlje.

2. ZA DODJELU JEDNOKRATNE NOVČANE POMOĆI ZA IZRADU I ODBRANU MAGISTARSKOG RADA

- a) Javni poziv se raspisuje za dodjelu jednokratne novčane pomoći za izradu i odbranu magistarskog rada u iznosu do visine troškova izrade i odbrane magistarskog rada, a ne više od 2.000,00 KM,
- b) Pravo prijave na Javni poziv imaju kandidati/kandidatkinje, državljani/državljanke Bosne i Hercegovine sa prebivalištem na području Federacije BiH, koji dostave sljedeću dokumentaciju:
- prijavni obrazac za dodjelu jednokratne novčane pomoći za izradu i odbranu magistarskog rada (može se preuzeti na web stranici www.fmon.gov.ba, Protokolu Ministarstva u Mostaru, Ul. Stjepana Radića br. 33 ili u Uredu Ministarstva u Sarajevu, Obala Maka Dizdara br.2);
 - kratku biografiju kandidata / kandidatkinje sa podacima o socijalnom i porodičnom statusu;
 - potvrdu visokoškolske ustanove da su položeni svi ispiti na postdiplomskom studiju sa prosjekom ocjena;
 - kopiju izvještaja komisije za ocjenu podobnosti kandidata/kandidatkinje i teme magistarskog rada;
 - kopiju odluke nadležnog organa visokoškolske ustanove o prihvatanju izvještaja komisije za ocjenu podobnosti kandidata/kandidatkinje i teme magistarskog rada;
 - potvrdu visokoškolske ustanove da kandidat/kandidatkinja nije odbranio/la magistarski rad do 31.12.2006. godine;
 - potvrdu visokoškolske ustanove o visini troškova odbrane magistarskog rada;
 - kopiju CIPS-ove lične karte;
 - izjavu kandidata/kandidatkinje potpisanu i ovjerenu od strane nadležnog organa da kandidat/kandidatkinja ličnim sredstvima finansira troškove odbrane magistarskog rada.

Zahtjevi kandidata/kandidatkinje, koji imaju prosjek ocjena manji od 8.5 odnosno 3.7 neće se razmatrati.

Sredstva za ovu namjenu uplatit će se direktno na lični račun kandidata.

3. ZA DODJELU JEDNOKRATNE NOVČANE POMOĆI ZA IZRADU I ODBRANU DOKTORSKE DISERTACIJE

- a) Javni poziv se raspisuje za dodjelu jednokratne novčane pomoći za izradu i odbranu doktorske disertacije u iznosu do 3.000,00 KM, ovisno o visini troškova,
- b) Pravo prijave na Javni poziv imaju kandidati/kandidatkinje, državljani/državljanke Bosne i Hercegovine sa prebivalištem na području Federacije BiH, koji dostave sljedeću dokumentaciju:
- prijavni obrazac za dodjelu jednokratne novčane pomoći za izradu i odbranu doktorske disertacije (može se preuzeti na web stranici www.fmon.gov.ba, Protokolu Ministarstva u Mostaru, Ul. Stjepana Radića br. 33 ili u Uredu Ministarstva u Sarajevu, Obala Maka Dizdara br.2);
 - kratku biografiju kandidata / kandidatkinje sa podacima o socijalnom i porodičnom statusu;
 - kopiju izvještaja komisije za ocjenu podobnosti kandidata/kandidatkinje i teme doktorske disertacije;

- kopiju odluke nadležnog organa visokoškolske ustanove o prihvatanju izvještaja komisije o podobnosti kandidata / kandidatkinje i teme doktorske disertacije;
- potvrdu visokoškolske ustanove o visini troškova odbrane doktorske disertacije;
- potvrdu visokoškolske ustanove da kandidat/kandidatkinja nije odbranio/la doktorsku disertaciju do 31.12.2006. godine;
- kopiju CIPS-ove lične karte;
- izjavu kandidata/kandidatkinje potpisanu i ovjerenu od strane nadležnog organa da kandidat/kandidatkinja ličnim sredstvima finansira troškove odbrane doktorske disertacije.

Sredstva za ovu namjenu uplatit će se direktno na lični račun kandidata.

Pri istim uslovima pod tačkama 1., 2. i 3. prednost imaju kandidati/kandidatkinje (o čemu se dostavlja odgovarajući dokaz):

- sa većim prosjekom ocjena (za tačke 1 i 2);
- koji ranije nisu koristili sredstva Federalnog ministarstva obrazovanja i nauke;
- koji imaju objavljene ili prihvaćene za objavljivanje naučne i/ili stručne radove;
- koji imaju zakazan termin odbrane ili su već odbranili rad/disertaciju u toku 2007. godine (za tačke 2. i 3.);
- branioci, ratni vojni invalidi i članovi njihovih porodica, članovi porodica poginulog, umrlog, nestalog branioca i umrlog ratnog vojnog invalida, dobitnici ratnih priznanja i odlikovanja i članovi njihovih porodica, demobilisani branioci i članovi njihovih porodica.

ZAJEDNIČKE ODREDBE ZA TAČKE 1., 2. I 3.:

1. Prijave na Javni poziv, uz odgovarajuću dokumentaciju, predaju se u zatvorenoj koverti sa naznakom «Ne otvaraj – Prijava na javni poziv br. ____» (naznačiti broj), lično ili putem pošte na adresu: Federalno ministarstvo obrazovanja i nauke Mostar, Ul. Stjepana Radića br. 33, 88 000 Mostar;
2. Dostavljena dokumentacija mora biti original ili kopija ovjerena od strane nadležnog organa. Ukoliko neki od traženih dokumenata nije izdat na jednom od službenih jezika u upotrebi u Bosni i Hercegovini, istom mora biti priložen i prijevod ovjeren od strane ovlaštenog sudskog tumača;
3. Krajnji rok za podnošenje prijave je ponedjeljak 25. 6. 2007. godine;
4. Nepotpune i neblagovremene prijave neće se uzeti u razmatranje;
5. Komisija Federalnog ministarstva obrazovanja i nauke će izvršiti izbor kandidata i o rezultatima Javnog poziva obavijestiti kandidate putem Javnog oglasa u dnevnim novinama i na web stranici ministarstva: www.fmon.gov.ba;
6. U slučaju da se na Javni poziv prijavi više kandidata/kandidatkinja koji/e u potpunosti i na identičan način ispunjavaju opće i posebne uslove Javnog poziva, Komisija zadržava pravo uvođenja dodatnih kriterija (regionalna zastupljenost, zastupljenost po naučnim, stručnim i umjetničkim oblastima i sl.), s obzirom na ograničena sredstva Ministarstva za navedene namjene;
7. Prijave kandidata/kandidatkinja, kojima je za iste namjene ranije dodjeljena pomoć od strane Federalnog ministarstva obrazovanja i nauke, neće se razmatrati;
8. Kandidati/kandidatkinje koji/e su se Federalnom ministarstvu obrazovanja i nauke već obratili sa zahtjevom za dodjelu jednokratne novčane pomoći za naprijed navedene

namjene prije raspisivanja ovog Javnog poziva, obavezni su ponoviti svoj zahtjev u skladu sa zadatim kriterijima Javnog poziva;

9. Magistranti/magistrantkinje, odnosno doktoranti/doktorantkinje, kojima je dodijeljena finansijska podrška, obavezni su nakon okončanja postupka za sticanje odgovarajućeg naučnog stepena, dostaviti Federalnom ministarstvu obrazovanja i nauke jedan primjerak odbranjenog magistarskog rada/doktorske disertacije pohranjen na nekom od informatičkih medija (CD, DVD), kao i ovjerenu kopiju diplome o sticanju naučnog stepena u određenoj oblasti;
10. Dodatne informacije mogu se dobiti svakim radnim danom na telefon 036 / 355 735 u vremenu od 14 do 16 sati, ili u sjedištu Ministarstva, Ul. Stjepana Radića br. 33, Mostar.

MINISTRICA

Meliha Alić, prof.